

স্মারক নং: খুব/ভিসি অফিস/২০২৬/০১/০১

তারিখ: ০৬ ভাদ্র ১৪৩৩ বঙ্গাব্দ
২১ আগস্ট ২০২৬ খ্রিস্টাব্দ

অভিনন্দন বার্তা

মহামান্য রাষ্ট্রপতি
গণপ্রজাতন্ত্রী বাংলাদেশ
ও মাননীয় চ্যান্সেলর
খুলনা কৃষি বিশ্ববিদ্যালয়

মহামান্য রাষ্ট্রপতি,

আসসালামু আলাইকুম। পরম শ্রদ্ধা ও গভীর আনন্দের সঙ্গে গণপ্রজাতন্ত্রী বাংলাদেশের ২৩তম নবনির্বাচিত মহামান্য রাষ্ট্রপতি এবং খুলনা কৃষি বিশ্ববিদ্যালয়ের মাননীয় চ্যান্সেলর জনাব মির্জা ফখরুল ইসলাম আলমগীরকে খুলনা কৃষি বিশ্ববিদ্যালয় পরিবারের পক্ষ থেকে জানাই আন্তরিক শুভেচ্ছা, উষ্ণ অভিনন্দন ও গভীর শ্রদ্ধা।

মহামান্য রাষ্ট্রপতি হিসেবে আপনার দায়িত্ব গ্রহণ বাংলাদেশের গণতান্ত্রিক অগ্রযাত্রা, রাষ্ট্রীয় প্রতিষ্ঠানসমূহের সুদৃঢ়করণ এবং জনগণের আশা আকাঙ্ক্ষার প্রতিফলনের ক্ষেত্রে একটি তাৎপর্যপূর্ণ অধ্যায়ের সূচনা করেছে। দীর্ঘ রাজনৈতিক জীবন, জাতীয় নেতৃত্বের অভিজ্ঞতা এবং দেশ ও মানুষের প্রতি আপনার দায়বদ্ধতা রাষ্ট্রের সর্বোচ্চ সাংবিধানিক পদকে আরও মর্যাদাপূর্ণ ও অর্থবহ করে তুলবে, এটাই আমাদের দৃঢ় বিশ্বাস।

খুলনা কৃষি বিশ্ববিদ্যালয়ের মাননীয় চ্যান্সেলর হিসেবে আপনার অভিভাবকসুলভ নেতৃত্ব আমাদের বিশ্ববিদ্যালয় পরিবারের জন্য অত্যন্ত গৌরব ও অনুপ্রেরণার বিষয়। দক্ষিণ পশ্চিমাঞ্চলের কৃষি, কৃষক ও গ্রামীণ অর্থনীতির উন্নয়নে খুলনা কৃষি বিশ্ববিদ্যালয়কে আধুনিক, গবেষণানির্ভর, উদ্ভাবনী ও আন্তর্জাতিক মানসম্পন্ন একটি উচ্চশিক্ষা প্রতিষ্ঠানে পরিণত করার যে প্রত্যয় আমরা ধারণ করছি, আপনার প্রাজ্ঞ দিকনির্দেশনা ও পৃষ্ঠপোষকতা সেই অগ্রযাত্রাকে আরও বেগবান করবে বলে আমরা প্রত্যাশা করি।

বাংলাদেশের খাদ্য ও পুষ্টিনিরাপত্তা নিশ্চিতকরণ, জলবায়ু পরিবর্তনের অভিঘাত মোকাবিলা, কৃষির আধুনিকায়ন, কৃষকের জীবনমানের উন্নয়ন এবং টেকসই কৃষি ও গ্রামীণ উন্নয়ন নিশ্চিত করতে উচ্চশিক্ষা, গবেষণা ও উদ্ভাবনের গুরুত্ব অপরিসীম। খুলনা কৃষি বিশ্ববিদ্যালয় জ্ঞান, প্রযুক্তি ও উদ্ভাবনের সমন্বয়ে একটি উৎকর্ষকেন্দ্র হিসেবে গড়ে ওঠার লক্ষ্যে কাজ করে যাচ্ছে। মহামান্য রাষ্ট্রপতির বিচক্ষণ নেতৃত্ব, অভিভাবকত্ব ও সার্বিক সহযোগিতা আমাদের এই জাতীয় দায়িত্ব পালনে নতুন উদ্দীপনা ও শক্তি জোগাবে।

আমরা দৃঢ়ভাবে বিশ্বাস করি, মহামান্য চ্যান্সেলরের প্রাজ্ঞ অভিভাবকত্বে খুলনা কৃষি বিশ্ববিদ্যালয় শিক্ষা, গবেষণা, উদ্ভাবন ও সম্প্রসারণ কার্যক্রমে আরও সমৃদ্ধ হবে এবং দেশের কৃষি ও কৃষিভিত্তিক অর্থনীতির উন্নয়নে কার্যকর ভূমিকা পালন করবে। একই সঙ্গে এ বিশ্ববিদ্যালয় আন্তর্জাতিক পরিমণ্ডলে বাংলাদেশের কৃষি উচ্চশিক্ষা ও গবেষণার একটি মর্যাদাপূর্ণ ও অনুকরণীয় প্রতিষ্ঠানে পরিণত হবে, এ আমাদের প্রত্যাশা।

পরিশেষে, মহামান্য রাষ্ট্রপতি ও আমাদের শ্রদ্ধেয় চ্যান্সেলর জনাব মির্জা ফখরুল ইসলাম আলমগীরের সুস্বাস্থ্য, দীর্ঘায়ু, সাফল্য ও সার্বিক মঙ্গল কামনা করছি। মহান আল্লাহ তাঁকে বাংলাদেশের জনগণের কল্যাণে তঁার মহান সাংবিধানিক দায়িত্ব যথাযথভাবে পালনের জন্য প্রজ্ঞা, শক্তি ও সামর্থ্য দান করুন, এই প্রার্থনা করি।

মহামান্য রাষ্ট্রপতি ও চ্যান্সেলরকে খুলনা কৃষি বিশ্ববিদ্যালয় পরিবারের পক্ষ থেকে আবারও জানাই আন্তরিক শুভেচ্ছা ও অভিনন্দন।

শ্রদ্ধান্তে,

আন্তরিকভাবে আপনার একান্ত বিশ্বস্ত,



(প্রফেসর ড. মোঃ আসাদুজ্জামান সরকার)
ভাইস চ্যান্সেলর
খুলনা কৃষি বিশ্ববিদ্যালয়
খালিশপুর, খুলনা-৯০০০, বাংলাদেশ